

30

25

20

15

10

5

說約
今叢

四書正解

卷之五
中庸人

713
863
5

四書大金說約合參正解卷之五

丹陽吳荃蓀右彙輯

受業門人潘宗垣紫臨全校

王船山愛

談象憲游

中庸

自誠明章全旨

此發明上章天道人道之意，欲人由教復性而盡。

人以合天也明，天道示人知，所準明二人道示人知，所修上二句只據其所入之異分別，个名且下二句則要其同歸也重，下二句兩則字雖不同，然重在成功，則一脉不重。

在「有」分別上

自誠明謂之性，自明誠謂之教，誠則明矣，明則誠矣。

自由也，德無不實，而明無不照者，聖人之德所性而有者也。天道也，先明乎善，而後能實其善者，賢人之學由教而入者也。人道也，誠則無不明矣，明則可以至於誠矣。

合參子思承上章兼天人而立言曰：吾因夫子誠者誠之一焉。

之分而愈知性教矣。由其內全所得之寔理，而明睿所照，自

然無蔽者言之，則謂之性。蓋誠明者不思不勉，全于天之賦予所性而有者也。天之道也。由其窮理致知而去其私欲以復全其所得之寔理者，言之則謂之教。蓋明誠者擇善固執成于已之習學，由教而入者也。人之道也。夫日性曰教，天人雖異而要其歸一也。誠明者非曲誠而後至于明誠，卽明矣。明誠者尚須由明而後至于誠。然明則亦誠矣。誠無不明，天固無待于人矣。明可至誠，人豈終異于天哉？是以君子貴自勉也。

析講 許東陽曰：章句德無不寔德字說誠字聖人之德兼誠明。○熊勿軒曰：誠明謂之性，生知安行之事先仁而後智，明誠謂之教，學知利行之事先知而後仁。○明卽明善之明，誠卽誠身之誠。末二句重勉人意。中江云：是就誠明本合，不相離。中見出成功，則一之意極明了。小註或問作申明性教之意，亦可。從益明可至誠，正見教可復性也。誠無不明，如真寔之德既全，而神明自爲之兼照，意明可至誠，如欺慊之幾既辨，而僞妄因之不留意。○胡氏曰：此性卽天命之性，但天命之性，人物所同，此則性之者也。聖人所獨，此教卽修道之教，但教是聖人事，此則由教而入學者之事也。○首章以天命

修道解性教字故曰之謂。此章以性教字作兩等人名目，改曰謂之。○四誠字明字俱指現成說。○自由也作就字，看非謂由誠而明，由明而誠也。○饒雙峰曰：首句指誠者而言，次句指誠之者而言。○性、本人所同，有聖人獨能全其性，故以性屬之。教者聖人修道之所爲也。本是人復性底成法，賢人則循此成法而入道，故以教屬之。○誠則明矣，猶言誠便明矣。此則字意緊明，則誠矣言既明乎，善亦可至於寔有其善而誠矣。此則字意慢。○此是繖天道人道之意。上章兩路說去，則天人爲一。此章方合說誠則明矣，明則誠矣。見人道而至天道合天人而二之也。誠則無僞妄之蔽，故自無不明。則知如何爲誠而求之，如何爲不誠而去之，故可至于誠。○此章以後誠字皆指心言，惟二十五章首兩誠字以理言。

右第二十一章子思承上章夫子天道人道之意，而立言也。自此以下十一章，皆子思之言，以反覆推明此章之意。○此第三大節之始，上既言以智仁勇之德備，費隱之道，不過是守此寔理而

能誠之人却有安勉之分合下而十二章多是推明此意但上一章夫子所謂天道原是物理而言不貼人說今每章句各繫天道人之道是頂上章章句內則亦天之道也此則所謂人之道也兩語而言

唯天下章全旨此章首二句已盡一章之意下文人物天地卽盡性中方能盡人盡物參贊天地必至盡人盡物參贊天地方爲能盡其性

唯天下至誠爲能盡其性能盡其性則能盡人之性能盡人之性則能盡物之性能盡物之性則可以贊天地之化育哥可以贊天地之化育則可以與天地參矣

天下至誠謂聖人之德之實天下莫能加也盡其性者德無不實故無人欲之私而天命之在我者察之由之巨細精粗無毫髮之不盡也人物之性亦我之性但以所賦形氣不同而有異耳能盡之者謂知之無不明而處之無不當也贊猶

助也與天地參謂與天地並立爲三也此自誠而明者之事也
合參子思以自誠明者言曰天命之性本真寔而無妄惟聖人之心真寔無妄之至而天下莫能加是爲天下至誠爲能于本然之性生而知之安而行之無一一理之不盡耳然是性也統乎人物原乎天地者也人物之性亦我之性能于其性察之無不盡則能于人之性知之無不明處之無不當合天下之智愚賢不肖使各復其性之本然而盡人之性能盡人之性則能于物之性知之無不明處之無不當合天下之飛潛動植使各遂其性之自然而盡物之性上夫人物之性即天地之化育也天地能生人物不能使之各盡其性卽是化育有不及處至誠盡其性以盡人性而至于能盡物之性使天地之化育矣既可以贊天地之化育則天位平上而覆物地之化育矣既可以贊天地之化育則裁成輔相可以贊助天地乎下而載物至誠位乎中而成物直可以與參爲三十有不可少一者矣至誠盡性之功用其大如此天道也
析講至誠就是盡性無兩脣誠卽性之寔理性卽誠之寔體至誠盡性便人物之性天地之化育一齊都盡了而必歷言

乏者以見盡性之全功也。章句于盡性則曰察之由之。盡人物之性則曰知明處當皆兼知行言而知行亦無先後。蓋誠明並至者也。無一毫僞妄以蔽之。使察無不盡，無一毫僞妄以累之。使由無不盡知之明者周。生民之故洞萬物之理。見得人物如此，則遂生如此。則失所也。處之當者，在人則有禮樂刑政以抑其過，引其不及，矯其偏而歸之全。在物則因其材質之宜，以致其用，制其取用之節，以遂其生。是也。盡人物之性，盡字屬聖人盡他說知他明處。他當便是盡他性。若不是使他亦如我之盡性也。參有不可相無，意勿作，做配大。地講數能字作已能看以事言，則曰能以理言，則曰可化。育以流行之用，言贊化育與天地同用也。天地以一定之位，言參天地與天地同體也。天下至誠以人言，卽聖人名號也。盡性不是做工夫乃生安之聖人自然盡得耳。朱子云盡已之性，如在君臣則義，在父子則親之類，盡人之性，如教以人倫，使之父子有親，君臣有義之類。盡物之性，如仲冬斬陽木，仲夏斬陰木，獺祭魚，然後漁人入澤梁，豺祭獸，然後田獵之類。是也。性只一般人物氣稟不同，人雖稟得氣，獨本善之性，終在是以聖人有教化以開通之使復其善物，稟氣偏無道。

理使開通只是處之各當其理。如馬搥者用鞭策方乘，得此亦教化是隨他天理流行發見處，使之也。贊天地之化育，人在天地間，雖只一理，然天人所爲各自有分，人做得的却有天做不得的。如天能生物，而耕必用人工，水能潤物，而灌必用火，能燥物而燒，必用火裁，成輔相，皆人非贊而何？○存疑惟天下至誠句言，獨這樣人能做這樣事，也不是說至誠了。方能盡性而可以當云，有以能盡人之性，這便是有以贊化育了。不是從此方可以去贊化育，蓋參贊不在盡人物之性之外也。○黃氏曰：參天地贊化育卽天地位，萬物育，但彼自學問極功，做到聖人能事，此則聖人之自然而然者。此下二十一章言誠者，便要見與天爲一意，言誠之者，便要見與誠爲一意。

右第二十一章 ○ 言天道也

其次章全旨

通章重致曲二十字，致曲工夫要不外乎存善，固執然，非致曲之外，別有用功處也。形著明以誠之驗于身者，言動變之以誠之及于人者，言惟至誠能化，而致曲者亦化總。

作大賢以十謂學利困勉人也先提起至誠其次二字方有著落工夫全在致曲上當看註中悉字各字謂以此一偏發見處而推其餘一一使之臻于全體之善所謂各造其極也○致曲工夫不外擇執不擇乎善則理欲混淆風無以知其爲曲而致之擇善而不固執則雖知其爲曲終爲私欲所奪而不能致之也○朱子云如充無欲害入之心而仁不可勝用充無欲穿踰之心而義不可勝用此正是致曲處如從闇隱處發便就此發見處推致其極從羞惡處發亦然孟子謂擴充其四端是也○曲能有誠是致曲工夫用盡而能有全體之誠也形著明兼存于身發于事看即易所謂美在其中而暢于四肢發于事業意形者微肇其發見之端著則益露其英華之美如容止可觀作事可法也明則發越愈勝如四體不言而喻事業與乎文章也動變化朱子曰動是方感動他變則已改其舊俗然尚有痕跡在化則都渾化了無復有痕跡也陳新安曰唯天下至誠與上章同但上是聖人之至誠此是大賢致曲有誠之極亦同乎聖人之至誠所謂及共成功一也故亦與聖人並稱至誠○通要以誠字作主中間節節要根誠來雖有積累工夫亦不過卽致曲者馴致之而

已數則字甚累都輕過化上方與至誠能化句相關末句卽是贊致曲者是至誠了猶云他若不是至誠豈能便到此地位此互言天人之合非別言天人也○根心生色曰形日新月盛日著表裏瑩徹曰明

右第二十三章 ○ 君人道也

至誠章全旨

首二句言至誠之知幾下是講其所以知幾者而言合萬事萬物兼照之此就禱福一端說以前知二字爲主最重一道字蓋前知而以道見是寔理坐照不假推測意國家六句一一連說歸重在禱福將至三句善不善之必先知正前知也

至誠之道可以前知國家將興必有禍祥國家將亡必有妖孽見乎蓍龜動乎四體禍福將至善必先知之不善必先知之故至誠如神見音現

禎祥者福之兆妖孽者禍之萌蓍所以筮龜所以卜四體謂動作威儀之間如執玉高卑其容俯仰之類凡此皆理之先見者也然唯誠之至極而無一毫私偽留於心目之間者乃能有以察其幾焉神謂鬼神

衆達說子思謂事之在天下也固有先見之幾理之在夫人也蓋有私偽之蔽惟夫至誠之人天理渾然無一毫私偽故其心至虛至靈不惟能見已而且能見將然其道爲可以前知然所以前知者非假智術之私也要不外一理耳彼國家將興則和氣致祥必有禎祥先時而出國家靖亡則華氣致異必有妖孽先覺而作不但已也遠取諸物則變化見于蓍龜而有吉有凶焉近取諸身則云爲動于四體而有得有失焉其禎祥其吉其得皆福之將至而理之先見者也其妖孽其凶其失皆禍之將至而爲善也必先事有以知之于禍之將至而爲不善也亦必先事有以知之不待善不善既至而後知也夫鬼神體物不遺能運禍福之幾也而至誠能契禍福之幾則是昭微于顯者鬼神也知顯于微者至誠也固有通幽明爲一道合天人爲一理者也故至誠其如神乎此自誠明之事

天道也

析講東陽許氏曰至誠前知亦必于動處見所謂幾者動之

微吉凶之先見者也聖人知來者如此非有異也故爲中庸

朱子曰如禎祥妖孽與蓍龜所告四體所動皆是此理已形

見但人不能見耳聖人至誠無妄故常虛明自能見得且如

蓍龜所告之吉凶甚明但非至誠人不能見得也饒雙峰曰

聖人無二毫物欲之蔽故志氣如神與明鏡相似幾有些形

影來便知衆人如昏鏡所以無所知○兩之字指禍福禍福

即指興亡蓍龜二句亦根興亡來○禱興之禎祥將亡之妖

孽蓍龜之吉凶四體之得失皆鬼神之所以體物而理之不

可掩者也至誠感于心動于氣而一一前知之則是鬼神以

寔理顯其幾至誠以寔心察其幾故曰如神常說謂知來無

過鬼神而至誠前知與鬼神何間在鬼神上當只說人顯其

幾不須說到知來上○禎祥如龜龍麟鳳景星卿雲嘉禾瑞

麥等類皆天地正氣所鍾也故主興說文云衣服歌謡草木

之怪謂之妖禽獸蟲蝗之怪謂之孽此皆天地沴氣所爲也故主凶易曰探頤索隱鉤深致遠定天下之吉凶成天下之

亹亹者莫大乎蓍龜左傳定公十四年邾隱公來朝邾子執

玉高其容抑公受玉卑其容俯子貢曰以禮觀之公皆有死亡焉夫禮死生存亡之體也今正月相朝而皆不度心已亡矣何以能久高仰驕也卑俯替也驕近亂替近疾君爲主其先亡乎是年定公薨哀公七年魯伐邾以邾子益來○此至誠在聖人身身上指出至誠之理論之○至誠無欲無欲則靜虛靜虛則明通至誠則一一則精精則察微○善卽福不善卽禍以其事言謂之禍福以其理言又謂之善不善

右第二十四章

○言天道也

誠者章全旨

此章首二節言誠切于人次節申言以見當誠之字而君子誠之正盡自道之功以全自成之理者故次節三節只說誠不說道蓋自誠之外無自道而成己之外無成物也通章言誠言道言仁言智言性雖名目不同其寔一誠包盡理之真寔無妄者爲誠誠之發于外者爲道仁則誠之體智則誠之用皆此天之命我者故曰性

誠者自成也而道自道也 道也之道音導

○言誠者所以自成而道者人之所當自行也誠以心言本也道以理言用也

參夫全子忠謂誠者天命之性宰于形質之中是凡物皆得之以自成原無虧欠者也而率性之道見于人倫日用之間則是人之所當自行爲之全在乎人者也

析講此節總是責人以體誠意誠曰自成可見人當全此誠道曰自道可見人當行此道下句正見當誠非兩端說道卽誠體道正所以存誠故下節存誠之內便包得自道上夫○誠以心言一句專爲人之所當行而言所以朱子曰誠者自成是懸空說此一句○此理具于心則曰誠本諸心而見于事物之間則曰道自成就實幹主宰上說自道就體驗擴充上說註中物字該天地人物事自天地物言則曰寔理自人與事言則曰寔心而寔理在其中子忠之言雖該天地人物事其意只重在人觀章句下句變物言人之意可見人則能自行其道物豈可以行道責之觀下節君子誠之意又可見註中誠以心言而句猶云誠爲道本道爲誠用見人當寔心以行道也○誠字是主道字承誠字一氣說下不可平看自道須承自成來設使誠非自成則道亦可以行可以不行

矣如寔心以孝于親孝道乃予所當自行寔心以忠于君忠道乃臣所當自行故吳氏程曰緊要在自字上此爲已之學也下句加一而字卽承上文自字言之不是二事○兩自字俱是自己不可以上作自然下作自己朱子曰有是寔理則有是天有是寔理則有是地凡物多是如此故曰誠者自成蔡氏曰率性而出曰道有氣稟物欲之蔽須人自用修之之功方能行得此道故曰自道○誠者物之所以自成本下文誠者物之終始沒指物之所以自成言也誠以心言本下文不誠無物君子誠之爲貴專指人之有以自成者言也○此合下節言理本寔而人當寔心以成己也末節言人能成己則自能成物也

誠者物之終始不誠無物是故君子誠之爲貴

天下之物皆實理之所爲故必得是理然後有是物所得之理既盡則是物亦盡而無有矣故人之心一有不實則雖有所爲亦如無有而君子必以誠爲貴也蓋人之性能無不實乃爲有以自成而道之在我者亦無不行矣

參大全何以見誠爲自成而道爲自道蓋誠者物之終始凡

有二物其成也必有所始實理之始而君子有也共壞也必有所終實理之盡而君子無也微頭徹尾都是寔理之所爲物固不能外誠而自成矣而所以體之者其責尤在乎人凡人做事自首至尾總是一個寔心方有此事若寔心間斷有一有不誠雖做此事如不做一般則無物矣而安可不自盡乎當行之道乎是故君子擇善固執以寔心體寔理而誠之爲貴以盡自道之功也

析講物之一句申上自成意不誠二十句與上自道意此誠者及上誠者兩誠字以寔理言而兼寔心蓋寔理爲物之終始與寔心爲事之終始一也事亦物也而寔心亦所以存此寔理也而不誠專以心言無物毫以事言蓋理無不誠人則有不誠故不成句專就人之心與事說也終始何已該得不誠無物意而不誠無物只在終始內抽出言之以引起君子耳誠之工夫不外擇善固執二者而已○章句必得其理二句訓物之一始所得之理二句訓物之終故人之心四句訓不誠無物而君子一句訓誠之爲貴不可混看北漢陳氏曰物之終始就二物觀之亦然以一株花論春氣流注到則生花表氣盡則花亦盡就二花藥論氣寔行到此則花開氣寔消到

則花謝凡物之終始皆是一一个寔理不誠無物

朱子曰這

不字須有个人不他孝而不誠于孝則無孝躬而不誠于孝則無弟推此類求之可見○誠之內要點終始意如一人之一身一事之中皆有終始必無一毫一息之不寔方是誠之功道乃誠之發見者能誠則道之在我者亦無不行此章句所以補出此意而道不在誠外益可見矣○蒙引誠者物之終始兼八物言不誠無物事以人言不兼物者本章之意所主在人也下文誠者非自成己而已也亦專以人言觀成己成物字可見矣凡兼八與物者則兼寔理與寔心凡事就人言者則只是寔心而理自在其中蓋理具于心心所以管攝乎是理若天地鬼神之不待存誠草木鳥獸之不能存誠者則只有寔理不用說寔心

誠者非自成己而已也所以成物也成己仁也成物知也性之德也合内外之道也故時措之宜也

知本

誠雖所以成己然既已有以自成則自然及物而道亦行於彼矣仁者體之存知者用之發是皆吾性之固有而無内外之

殊既得於己則見於事者以時措之而皆得其宜也奉存疑君子誠之爲貴則既有以成己而爲誠者矣然誠者非自成己而已也在我者真寔無僞則理之自然者有以及物乃所以成物也夫成己卽有以成物者其故何哉成己而無一毫之私僞此寔理渾然卽所謂仁也因物成己卽各得其所此知明處當卽所謂知也仁與知乃天命之性固有之德也既爲性之德則體用備具無有分殊仁固在內而知亦非外舍外內而爲一之道也故以其德之得于己者見諸事爲隨其所施而無不利繼有以成己便有以成物以時措之而已也所以成物也此大道也

析講上文說誠之爲貴已是成己了此則言誠不特成己亦所以成物蓋以其理本一貫也詩意側生成物于邊此誠者以人言是出上誠之之功而進于能誠地位者成己盡己之性也成物盡人之性也卽其成己之間已自具成物的道理不重感化言所以字玩註中自然字可得成己卽是仁成物卽是知不是成己方是仁成物方是知也註中體用二字俱根誠字說仁屬成己知屬成物似有内外之殊然這仁知之

德非因成已成物，而始有寔具于已。性分之內乃合外內而爲二一的道。理此個性之德是就性中固有上說。如常說成己固性而成物亦是性之發用。于知字看得粗了。全外之道亦要渾合看。蓋就性之德上說。仁知無内外之殊。猶云仁知皆具于性中。總是合二一的道。理非如時解。固不遺乎外。知亦不遺乎內。之謂也。道字與首節道字說向用此只作理字看。未說向用未句方是用未句故字總承上四句說來。言仁知皆爲性之德而無内外之殊。故至于誠而仁知皆得于已。則措之于事。不惟成己者適當其可而成物者亦無不當其可矣。胡雲峰曰。上仁知數句是未發之中未句。則發而爲時中也。時字與時中時出二時字同。○或問成己合言知而言仁成物合言仁而言知何也。朱子曰。克己復禮爲仁。豈不是成己知周乎萬物。豈不是成物。○性之二句須串說。饒雙峰曰。已物雖有内外之分而仁知之德則具于性分之內。乃合内外而爲二一的道。理最了徹。上節註云。道之在我者無不行。此節註云。道亦行于彼。可見自道根着自成說。寔心體道便是誠之之功。○蒙引所謂性之德者。見得合下天命付與來。便是此理而寔具于吾心也。存疑成己則能。

成物理之自然也。故曰自然及物。非謂無所作爲而自然及物也。卽前章盡已性而盡人物之性意。仁智既得于已。則成己成物之具在我矣。故以時措之而各得其安也。○章句體之存體與存指成己說。用之發用與發指成物說。非在心爲體。在事爲用之體用也。此章是說人道。其成物卽致曲章動變化也。下章是說天道。其覆載成配。天地卽盡性。章參贊也。合之又卽是首章。位育。○解士首二句當讀作成己仁也。以下一氣逝去。皆推原此二句也。故字偶釋理如此。大段特措亦便是此二句意。

右第二十五章 言人道也

故至誠章全旨

此章重至誠無息一句。言聖人與天地合德也。分地者出乎自然。自天地之道。至貨財殖焉。是卽天地至誠無息之功用以明。至誠無息之功用。未節是引說以見天地聖人同一至誠無息也。至誠是主。

故至誠無息

既無虛假自無間斷

卷太全子忠承上章而言曰有至誠之盛德必有至誠之功用是故至誠者純乎寔理而私欲不得以間之其誠自無止息之時也

析講此二節言至誠之德當于中而誠于外也至誠以寔心言而寔理在其中凡誠之未至者不免有虛假虛假則間斷矣至誠無毫虛假則此心純是天理流行自無止息無時不誠卽無時或息也久者合繹始觀之見得始如此至誠終亦如此至誠皆有常而不變也久字以前俱就心內言徵則發于事業下文博厚高明悠久正其徵之寔也故陳氏以釋面益背言徵不如淺說以政治功業言徵爲是問至誠無息不息則久有分別否曰不息只如言無息存而不變曰久外如其中曰徵徵字直含下節意在內與誠則形不同解胡氏謂故字承上章蓋承第二十二章也此章言至誠無息卽二十二章言至誠能盡其性此章言載物覆物成物卽二十二章言盡人物之性此章言配地配天無疆卽二十二章言贊化育與天地參也皆以發明上章之意故曰承上章但上章是分言之以見至誠有功于天地此章是合言之以

見至誠不異于天地要之此章功用不出盡性章之外也又按致曲自成二章皆言人道前知章又言至誠之明皆與此章意不相貫故知承盡性章無疑

不息則久久則徵

久常於中也徵驗於外也

卷序夫人心之理倘有間息則暫時如何有徵驗至誠不息則德性堅定始終如一常久而不變矣真積力久則道理充寔于內自然著見于外有徵驗而不可掩矣

析講久是誠常于中徵是誠驗于外俱根誠宗久以上屬天德憲以下屬王道

徵則悠遠悠遠則博厚博厚則高明

此皆以其驗於外者言之鄭氏所謂至誠之德著於四方者是也存諸中者旣久則驗於外者益悠遠而無窮矣悠遠故其積也廣博而深厚博厚故其發也高大而光明

卷序至誠以久而徵但見其功業著見則悠遠而非朝夕之近既悠遠則廣博深厚而非淺狹之量旣博厚則高峻

光明而非卑暗之觀，蓋德之存于中者既

極其純，故業之微于外者自極其盛也。

析講此是言至誠功業著見，只是一个个至誠已該了許多節次也。微字提起看，下俱是微也。微則悠遠，謂所微者，悠遠不與久，則微一例。博厚非出于悠遠之外，有妙此悠遠則其積累之至自然博厚耳。高明非出于博厚之外，有妙此悠遠則其發見之極自然高明耳。朱子曰：久是就他骨子裏說，鎮常如，此之意悠遠，是自今觀後見其無終窮之意。○悠舒緩而不迫促之意，如必世後仁是也。遠是求遠而不淺近之意，如萬世永賴是也。要之惟悠故遠，益功業氣象寬緩者，自是長遠只把王道伯功相較，便見博者德澤所及之遠，是橫說。如所謂東漸西移，意厚者德澤入人之深，是直說。如所謂決肌渝體，意高如巍乎成功明，如煥乎文章是也。○自至誠無息，直至高明，是一時俱有，本無漸次。特立言之耳。○悠遠博厚，高明只就功業氣象圖一圖，講不可說到。及人上恐侵下，覆載成意。章句橫字發字，要體貼。博厚乃悠遠所積累，德澤教化貞恒，不變自然充塞宇宙，浹洽人之心。高明乃博厚所發越，德澤及人，遠而入人，速則規模大備，功業粲然，自有二段。

博厚一節總意

此二節是因體以見用，因用而識體，意非體用

載成而言，則又爲體。蓋有體之體，有用之體，此用之體也。上節既主用，言寔重，覆載成上，下節既主體，言寔重。博厚高明悠久，上所以字即在至誠身上說，言至誠之博厚，即其所以載物者也。下二句亦然。上文博厚高明悠久，已有覆載成物，在特至此始明言之耳。若謂上文此是悠遠博厚高明至此始覆載成物，則非矣。

博厚所以載物也，高明所以覆物也，悠久所以成物也

悠久卽悠遠，兼內外而言之也。本以悠遠致高厚，而高厚又悠久也。此言聖人與天地同用。

參存疑至誠之功用既極，其盛則其及于物者豈易量哉？至誠惟博厚，則含弘之量無所不容。自有以弘濟蒼生，舉天下而納之深仁之域，雖無載物之形，卽此便是所以載物也。至誠惟高明，則不冒之餘無所不濟。自有以覆被蒼生，復天下多皆有所仰賴，雖無覆物之形，卽此便是所以覆物也。至誠惟

高大光明處也

博厚高明而極于悠久則德業常新莫不求賴卽有以覆載蒼生自始要終不致夭折虧壞雖無常覆當

載以成萬物之形卽此便是所以成物也

柳譏饑雙峰

曰不息則久久字指誠而言是在內悠久與博

厚高明指功用而言皆是見之于外蔡氏曰好生之德洽于民心此博厚載物也光被四表半天之下至于海隅蒼生此高明覆物也高明博厚之無終窮使天下親賢樂利各得其所各正性命保合太和此悠久所以成物也上悠遠哉到博厚高明此文于博厚高明之後着久悠久字此久指博厚高明說雖是驗于外而在于中者卽隨之天下原無無體之用也註以兼内外解之其旨精矣○覆載成只言其功用及物處至下節方卽其及物者而贊其與天地同也是不必泥古節是功下節是體蓋聖人與天地同體處在至誠不在博厚等上○註與天地同用天地字不宜輕出○彙解至誠之功用上節盡矣此下三節只言合乎天地以見其盛也博厚高明悠久并載物覆物成物等便是把天地分上字面來形容至誠故下節直以配天地言之而章句於此節亦不言至誠之及物而言至誠與天地同用蓋上節已是及物此節雖未

博厚配地高明配天悠久無疆

此言聖人與天地同體

叅序夫從來惟地職載今至誠載物是其博厚直配平地惟天職覆今至誠覆物是其高明直配乎天惟天地生成亘古亘今而無疆今至誠成物是其博厚高明之悠久一天地之無疆是至誠一天地也

析講此節是承覆載成上講不可說博厚以載物者地之所以及地等語恐碍博也節○蔡氏曰上文言聖人之功用到此方露出天地字下文則專以天地之道言未方合言之以見一理○悠久卽博厚高明之悠久無疆卽天地之無疆○與天地同體非在內之體也用之及物者爲用則用之所以然者爲體若在內之體則是誠而非微後高厚等項矣

如此者不見而章不動而變無爲而成

見音現

見猶示也不見而章以配地而言也不動而變以配天而言也無爲而成以無變而言也

參大全夫至誠同天地如此者豈有意而然哉至誠之博厚不待有所表示而功用自燦然可觀此處與地一般乃不見而章也至誠之高明不待有所振作而功用自感化無迹此處與天一般乃不動而變也至誠之悠久不待有所安排在置而功用自始終渾全無悠此處悠久一無疆界無爲而成也惟至誠無無息故積中發外不勉而自致也

析講地道之章如庶物發生之類在至誠則均齊方正顯然照布是也天道之變如雲行雨施之類在至誠則於變時雍翕然維新是也成卽章變之有終也天道之成如各正性之類在至誠則遂生復性各得其所萬世永賴是也○此節只是就至誠與天地同體用處贊其與天地同一自然卽夫焉有所倚意非推深一層語也或者多滯註意謂只承上節不知言體則用在其中况章變成皆是用處非專言體也不見三句總是誠不可掩誠能動物誠則無事之意○此贊其功業卽子自然如此一字指上文博厚載物十節說○以上二節不可將天地透發以天地功用在下數節方言其盛也

○翼註卽變成不是民章民變民成俱就至誠功業說者溥博深厚功業之燦然可見也如地道山川草木之類亦燦然可見也變者高大光明功業之煥然日新也如天道四時日月之類亦煥然日新也成是卽變底于成功業有終處與成物成字稍異○聖人治天下田里學校禮樂政刑之類百度具舉何嘗不見不動無爲但皆出于至誠而非有心勉強要如此故云然耳

天地三節總意

上數節言至誠同天地此文以天地明至誠故章句着復以卑蓋天地亦冉不不測以至盛

大而能生物與至誠由無息以致高厚而能貫載物其理

也要見節節與至誠相對○上文皆是

說聖人之道此下三節專言天地之道

天地之道可一言而盡也其爲物不貳則其生物不測

此以下復以天地明至誠無息之功用天地之道可一言而盡不過曰誠而已不貳所以誠也誠故不息而生物之多有莫知其所以然者

參存疑至誠之功用既同于天地則觀天地之功用卽可以

見至誠矣。天地至大，若未可以言語形容也。然其主宰之道，可以一言包括而盡焉。所謂一言可盡者，只是一個誠而已。蓋立天之道曰陰與陽，起畫夜上下，靜專動直，不過這一个寔理流行，亭毒之表，更無第二個物來雜他。這便是天之爲物，不二處。而天道之所以誠也。立地之道曰柔與剛，如南北高深，靜翕動闢，不過這一个寔理流行，堪與之內，更無第二個物來雜他。這便是地之爲物，不二處。而地道之所以誠也。此正可二言盡者也。惟不二故不息，一通一復，其化無方。則其生物形形色色，充滿覆載之間，有莫知其所以然者。豈可得而測度之？勘觀此而至誠之無息，久而必微，可知矣。

析講此節重爲物，不二句，正是二言生物，不測。且輕看天地之道，與下節天地之道，二意俱以天命言，氣化流行，只是一介寔理，更無私妄來雜他。故曰：「不二」正所謂天得一以清，地得一以寧者也。非天不二乎？地不二乎？天之說陳新安曰：「不二者，一也。卽誠也。惟其爲物，誠上不二，所以不息，而生物不測也。」生生物，不測，下文今夫天節詳言之。玩陳說，則詳中不少，所以誠句，所以二字，即可不泥。生物，不測，是言生物之多，其所以然者，不可測。不是言物之多，不可測也。夫生物本

于不二，信乎！一誠之外，無他道。而天地可二言而盡也。○此節不二與至誠無息對，存疑章句曰：「不二所以誠也。」賞看二十章或問：「則純二六則雜，純則誠，雜則妄，意

天地之道博也厚也高也明也悠也久也

言天地之道，誠一不貳，故能各極其盛，而有下文生物之功。參天全，天地之道，惟其不二，故能各極其盛焉。自地之道言之，既極其博也，又極其厚也。自天之道言之，既極其高也，又極其明也。也合天地之道，言之既極，其悠也。又極其久也。天與地各極其功用之盛也。

析講對上節不二言，則此節是用對下節生物言，則此節又是體觀。章句角明，章句誠上不二貼，上節爲物，不二故能各極其盛。貼本節博，貼等而有下文生物之功。貼下今夫天節上節誠之存者，造物之本原也。此節道之盛者，化工之流布也。博厚等不專，是形體兼性，惻言博厚，謂剛柔理而地道成形。凡，隕然示人以簡者，含弘之無外，而又靜深之全窮也。高明，謂陰陽順而天道成象。凡，確然示人以易者，神功之變極，而又光明之下濟也。悠久，謂剛柔相盪，陰陽相禪而施生于

兩間者，推行有漸而不迫，終始有常而不變也。○此節與悠遠節相對，乃不二之所徵。

今夫天斯昭昭之多，及其無窮也。日月星辰，繫焉萬物，覆焉。今夫地，一撮土之多，及其廣厚，載華岳而不重，振河海而不洩。萬物載焉。今夫山，一卷石之多，及其廣大，草木生之。禽獸居之。寶藏興焉。今夫水，一勺之多，及

其不測，鯤鵬、鮀鰐、龍魚、鼈生焉。貨財殖焉。

夫音扶華藏並去聲卷平聲勺市若

猶十一章及其至也之意，蓋舉全體而言也。振收也。卷區也。此四條皆以發明。由其不貳不息以致盛大而能生物之意，然天地山川實非由積累而後大讀者，不以辭害意可也。

參麟士試以天地生物不測言之。今夫天觀于一處，斯昭昭之多，亦天耳。于物有不及，覆必有不及，覆者矣。及其全體之舞。

窮也，則日也，在上，直月也，在上面，以至二千五百四十八宿，天官所載，種種諸星辰俱在上面，而無不繫焉。是圓圖，一天故于凡萬有不齊之物，皆覆于其下焉。天之生物，何盛也。今夫地，指其一處，一撮土之多，亦地耳。則万物有能載必有不能載者矣。及其全體之廣厚，則華嶽山之宗也。承載之，而不見偏重，河海水之會也。收振之，而不旁洩，故凡萬有不齊之物，皆載于其內焉。地之生物，何盛也。至若生于天地而能代天地以生物者，又有山水焉。今夫山，一卷石之多，亦山耳。及其廣大，則凡草木皆生之。凡禽獸皆居之。凡世間寶藏，可以爲服飾器用的，皆于此興發焉。今夫水，一勺之多，亦水耳。及其不測，則鷗鵬也。鼈也。蛟也。龍也。與夫魚鹽之屬，皆生聚于其中焉。山水之生物，何盛也。其生物不測，如是。

析講此，承上言，天地惟不二，不息而道各極。其盛故有生物之功也。天地山水各先以小處說起，正答引起，盛大處，非言曲小而積累，以至大也。言天地而復言山水者，蓋天地間至大者莫如山水，而天地之生物，皆在焉。山水之生物，即天地之生物也。○日月句，足無窮句，萬物屬句，方是言生物從來。

以日月句對萬物，覆句疑非是載。華嶽明其厚振，河海明其廣。亦是足廣厚句，萬物載句，方是言生物也。若草木禽獸俱是生物，又不與此二項爲中一例乎？以天地作主，山水是天地所生，亦能生物，正見天地生物，之不測。○此節與載物節相對。

詩云：維天之命於穆不已。蓋曰：天之所以爲天也，於乎不顯！文王之所以爲文也，純亦不已。

於音烏

平音呼

詩周頌維夫之命篇於歎辭穆深遠也。不顯猶言，豈不顯也。純，一不雜也。引此以明至誠無息之意。程子曰：天道不已。文王純於天道，亦不已。純則無一無雜，不已則無間斷。先後參大全，由是而知至誠天地之合矣。詩有云：維天命之主宰乎氣化者，寔深遠難測，而萬古流行不已。詩之意蓋曰：高明上覆者，誠可以言天，而此不已處乎天之所以爲天也。又云：於乎，豈不顯哉！乎文王之德渾乎天理，而純一不雜也。詩之

意卷目文譏不顯，莫可以言文，而此純處乃文王之所以爲文也。裏之文王維其德之純也。故亦能配天之於穆，不已焉。天命不已，文德之純亦不已，則文之所以爲文，配天之所以爲天者也。而天地至誠之道，不同一。

至誠無息也哉？所謂誠者，天之道也。

析講此節，雖言天地至誠之合，仍重聖人一過，釋說仍是公讖天與文末句，方是合說。天與文續，卽不一而已，卽無息繼，爲全章結穴，不但爲本節結語也。陳新安曰：天之所以爲天，文之所以爲文，深意在兩，所以字，所以處，至誠無息，是也。遂揭於穆，不已之不已，字，與德之純之純，字總紐之曰：純亦不已，以見聖人之合乎天者，此而已。○天命以一元，主宰言，不德以一心，經緯言，俱主在內者，說此序天道聖人乏本體也。卽上功用的根子。王仲山云：品物流行，天之化也。於穆不已，天之神也。光四方，顯西土，文之著也。德之純，文之精也。純亦不已，不要說文之純，卽天道之不已。言不已者，天之道也。文之德之純，亦不已焉。瞿昆湖云：天道之不已，無動無靜也。天德之純，亦無動無靜也。天道之不已，無始無終也。文德之純，亦無始無終也。極是惟天地至誠同一，無息，故同一功用之

盛而至誠之爲天道見矣○前之不一此之純皆以至誠言
不已卽無息不息也聖人所以與天道合者此而已自引
詩至章末言聖人之道合乎天地之道雖單言天甚以天包
地雖言文王寔是借文以証群聖人也○此節左合言天地
王誠則前天地之道可一言而盡至貨財殖焉但言天地不
棄灰入至誠講可知也○前由本體說到功用此則歸功用于本體

右第二十六章 ○言天道四

大哉章全旨

通章言一个道當重在君子身上前五節贊聖道而屬之能行之人此引起體道之君子意蓋君子正是聖人者也末節舉修疑之效見得君子既盡體道之功便是一聖人之人便行得聖人之道益見修疑之不容已也首節是一章之綱洋洋二節正見道之所以爲大處志其人三節爲上下文過脉見道不虛行貴人修德以疑道耳尊德性節正是修疑工夫又以首句爲綱下正所以尊道處未節結以保身是修疑寔效也○大全許東陽曰此章當分聖人學者看翼註至道不凝以上言聖道待人而行以下言君子修德

大哉聖人之道

包下文兩節而言

衆序子思以修疑明人道而先患聖人以爲法曰萬性之道惟聖人全之大哉無可限量聖人之道平無所不

該無所不有廣濶周徧天下無有大于此者矣

析講此言人道而首句便說不聖人示人以準也道卽率性之道天下所共由以其非聖人不能體故屬之聖人非就聖人身上說道也若事就聖人身上說道則下文待人而行至德凝道等俱說不去矣語意正與費隱章說君子之道同○翼註道字包得廣下文發育贊極禮儀威儀俱不就聖人身說

洋洋乎發育萬物磅礴乎天

峻高大也此言道之攝於至大而無外也

參大全以道體之大定盡天地之間而無所不在是注解秀流動充滿無所有以量其功用則發育萬物凡春生夏長秋收

冬藏皆陰陽五行之理所流行也。其體艮則峻極于天。天之爲天不過陰陽五行渾淪磅礴之理所充塞也。物至多而斯道有以發育之。天至高而斯道有以峻極之。何其大也。析講朱子曰：洋洋是流动充滿之意。饒雙峰曰：萬物發生養育與天之所以爲天總是一陰陽五行之氣道。即陰陽五行之理。有是氣必具是理。是氣之所流行充塞。即此理之所流行充塞也。此卽前章語大莫載之意。○此節言道之統體。洋洋乎形容道無不該之意。以起下一句。看來天地之道亦屬聖人萬物之生長收藏天地之道。卽聖人之道也。峻極于天謂高際。夫天也。只是充塞天地的意思。○發育二句不平言。不但發育萬物而且峻極于天。

優優大哉禮儀三百威儀三千

優優、充足、有餘之意。禮儀、經禮也。威儀、曲禮也。此言道之入於至小而無間也。

參大全以道體之大。散于事爲之一末而無所不有也。優優然。未足有餘而纖悉畢備矣。哉經禮如冠婚喪祭朝覲會同之類。大節有三百條無非道。曲禮如進退升降俯仰揖遜

之類。小自有三十條無非道。蓋道中包含、含蘊。入乎小而廣闊。何其大也。

析講此節雖言道之至小而寔所以形容其大。故以優優大哉。起之。蓋小卽大之散見也。使道之中有一理之不備。亦無以見其爲大矣。上節以外面規模言。此節只就裏面許多事。隻說禮儀威儀。亦只是發育蠻極中事。乃天地間萬物中之一物也。而三千三百之多。如此則天地間物理之細微者。可見者。卽前章語少莫破之意。○二句亦不平。曲禮卽經禮。中曲折處。○此節言道之散殊。優優形容。道無所有之意。以起下二句。此大哉亦就完卷周悉處。見其大禮亦。道中之一端舉此以見事物之皆道也。

待其人而後行

總結上兩節

合參夫大無不包。小無不入。則道誠大矣。豈虛行哉。要皆待其人。而後行。必得。如是之人。而後可行。如是之道也。○二節析講上節。贊言道不虛行。下節反言以見其必然也。人

不就上聖人說只是太極言造聖人地位的人字要關照德之大小說行字要關照道之大小說德謂得是道于己也道之力小各極其至故曰至道德之大小各極其至故曰至德蓋心體弘大則有以會天賦之全而洋洋之道始能體之而不遺見聞精密則有以具舉理之備而優優之道始能審之而必悉故人惟至德而道乃無疑者萃聚之意萃聚于處則咸矣○結下亦以起下其人承上聖人還宣焰下君子○至德不可顯然用存心致知講至道不過是上道之大小也

故曰苟不至德至道不凝焉

至德謂其人至道指上兩節而言也凝聚也成也

泰大全道惟待人而行故曰苟其人胸襟淺陋識見粗疎非至德者則于道之大者不能會其全道之小者不能盡其細而發育峻極三千三百之至道于我判爲二物無以疑于身心矣不疑又何以

行則修德要也

故君子尊德性而道問學致廣大而盡精微極高

明而道中庸溫故而知新敦厚以崇禮

尊者恭敬奉持之意德性者吾所受於天之正理道由也溫猶燄溫之溫謂故學之矣復時習之也敦加厚也尊德性所以存心而極乎道體之大也道問學所以致知而盡乎道體之細也二者脩德凝道之大端也不以一毫私意自蔽不以一毫私欲自累洒沫乎其所已知敦篤乎其所已能此皆致知之屬也恆理則不使有毫釐之差處事則不使有過不及之謬理義則日知其所未知節文則日謹其所未謹此皆致知此五句大小相資首尾相應聖賢所

示人德之方莫詳於此學者宜盡心焉

衆存疑修德凝道之事何如故君子知道體之大而無外者非存心不能容道體之小而無內者非致知無自入則于德性而尊之保守勿失存其心體之本然者以全其大又于問學而道之進爲有序窮究夫事理之當然者以盡其小此修德之大端而其功不盡于此也如德性之中萬物咸備本廣大也有以蔽之則狹小矣必不以私意自蔽以蔽其廣大然

廣大者易至，踈畧又必由問學之功舉事理之精而不粗微，而不顯者析之必盡不使有毫釐之差焉。德性之中一物不雜，本高明也。有以累之則卑污矣。必不以私欲自累，以撫中其高明然。高明者易至過中又必由問學之功舉事理之中而不偏庸而無倚者道之以行不使有過不及之謬焉。心具德性，有本然之良知所謂故也。必涵泳以溫之不使其遺忘然義理無窮。日新不已又必以問學而日知其所未知焉。心具德性，有本然之良能所謂厚也。必培養以敦之不使其放逸然節文之禮無在可忽又必以問學而日謹其所未謹焉。此所謂擴淺陋之胸襟以容夫至大之道勤粗曠之識見以悉夫至細之道如此則德修而道凝矣。

析講上言至一道凝于至德此則承言君子修翫之功也。首句提其綱下四句盡其屬類。高之致廣大極高明溫故敦厚屬尊德性盡精微。道中庸知新崇禮屬道問學道雖極于發育峻極而寔吾所受于天之正理爲吾心所具之物所謂德性也。道雖散于三十三百而學問思辨之事則所以講求乎斯道者所謂問學也。尊者戒慎恐懼以全其本然有兢兢業業不敢失之之意。問是問于人學是學於己然只渾融連看爲

是道由也。謂循此用功以究其當然也。大抵尊德性邊是規模要大。道學問邊是工夫。要審道體之小者既不出乎大者之外。則道問學亦不過理會德性舉邊事總是一貫意溫故知。新是兩截工夫與論語不同。崇禮是行的事然許多節文必須考求而知之故亦屬致知之學。未句以字不必拘易者之德圓而神卦之德方以智以亦而也章句非存心二句亦要玩盡不尊德性則中心無物而失其本然之権度何以窮致事物之理既尊德性而不道問學則又不能周知事物之理。其踐履趨向未免過差而失其天賦之本然故二者相爲資也。○朱子曰：致廣大謂心胸開闊無此疆彼界之殊極。高明謂無一毫人欲之私以累于此纔泊于人欲便卑污矣。立心超于物表而不爲物欲所累是高明及行事則懸地細密無過不及是中庸厚是資質朴寔敦是愈加厚重培其根本有一般人寔是敦厚純朴然或箕踞不以爲非便。是不崇禮若只去禮會禮文而不敦厚則又無以居之所以忠信之人可以學禮。胡雲峰曰：集註自蔽自累二句雖總說尊德性亦有先後之序意者萌動之始此可言蔽一爲私意所蔽則廣大處已被窒塞了。欲則不止于意而爲物所昏無所謂高明。

者矣所以方可言自果○心之廣大印具精微一理不學則便有毫釐之差未必以親親居仁民居愛物之先則廣大徒傷于泛博此存心不可不致知也此是而字串法下做此史伯贊曰致廣大四者皆是已如此者常欲保全之使不至于丕如此故爲存心之屬盡精微四者皆是未如此者亦欲窮究之求其得至于此故爲致知之屬陳氏曰存心以極道體之大應前洋洋一範致知以盡道體之細應前優優一節○存心何以便極道體之大致知如何便盡道體之細蓋道雖至大原是吾心之物吾能存其心之本然則全體不虧而道之大者自疑于我矣道雖不遺于小而吾自然之知足以及之吾能窮究夫理之當然則吾之知已致而道之小者自疑于我矣此一節俱修德工夫而道在其中○萬德性一句是綱領下五句上截皆是大綱工夫下截皆是細密工夫○致知工夫其中却兼知行而言當以盡精微知新屬知道中庸崇禮屬行非若大學之致知也

是故居上不驕爲下不倍國有道其言足以興國無道

其默足以容詩曰既明且哲以保其身其此之謂與

與

晉同與平聲

○興謂興起在位也詩大雅烝民之篇

參直解翼註夫君子既修德以凝道則道備于身印無所處而不當矣是故使之居上位則以位育經曲之道利濟天下而少至于驕矜使之居下位則以位育經曲之道尊爲憲章而不至于違背當國直道也而有德之言言皆經濟自足以興起在位而位育經曲之道見諸大用當國無道也收敛退默不爲危激之論以取禍自足以見容于世而位育經曲之道藏諸一心蓋上下治亂無所不宜如此大雅烝民之詩美仲山甫有云既明而悉予理且哲而察予事于是順理而行以保其身無有灾害其卽此德修道凝而上以治亂皆宜之謂與夫有是功有是效則君子而聖人矣此大哉聖人之道所以徒修德凝道之君子而行也此人道也

析講宣氏曰上節修德凝道此節德修道行朱子曰以其大小兼該精粗不二故居上爲下有道無道无所不宜合二說觀之則此節以修凝之寔效言自不可易不驕者不挾勢也不倍者不越外也足以興者有可行之道也足以容者有見

「機」之智也。四者只是一個道理，熟後隨處皆宜。意保身，不是趨利避害。行事合宜，自然無害。至此則君子盛德之事與聖人爲一矣。○此承上言存心以爲致知之地，致知以收存心之功，則德于我乎有而道之大小皆自我而凝之矣。又安在而不宜哉。○東陽許氏曰：明哲是見得理極，分曉了行事却只中庸故能保其身。○保身要看得大吾身爲天，地立心爲萬物立命，而三百三十亦炳此身以不墮。須使之無往不宜，方可言保。○不驕以位，育經曲之道爲設施，不倍以位，育經曲之道爲憲章。言興者，闡位育經曲之道于世默容者，數位育經曲之道于心保身，非徒全其生，是因時制宜，隨境皆順，總承上下治亂。

右第二十七章 ○ 言人道也

愚而章全旨

此章承爲下，不倍而言只重，歲不敢自專。上，今天下，以下文義，一片不亂。蓋惟文武之法制，猶在所。以有位無德，有德無位者，皆不敢作禮樂。雖以夫子之聖，而不敢况他人。以信乎爲下之不可倍也。首節引孔子之言，以見爲下，倍上之非，下皆子思以申乎。

子曰：愚而好自用，賤而好自專。生乎今之世，反古之道如此者，戒及其身者也。好去聲哉

以上六孔子之言，子思引之，反復也。

參序子思謂君子爲下，不倍。何言之？孔子嘗曰：凡人愚者當守己而厚好，作聰明以自用。賤者當安分而厚安。窮愁以自專。生乎今之世，只當遵當今之法度，而乃要反乎古之道如此者，越理犯分，皆王涉之所不容。災禍必及於其身矣。夫子之言如此。

析講道，卽下禮度文之事。○存疑愚無德也，賤無位也，生今無時也，而自用自專，反古總，是爲下而倍，逆理犯分，獲罪于上必矣。故曰：戒及其身也。除乎聖人便是愚除。了天子便是賤。如此者通指上文三者而言。

非天子不議，禮不制度，不考文。

此以下，子思之言，禮親疏貴賤相接之體也。度品制文書名。

卷之五

三

四

參序卽夫子之言觀之可見制禮作樂是國家極大的事必聖人應運而興然後可以定一代之典章齊萬民之心志如親疎貴賤須有相接的禮體然惟天子得以議之非天子不敢議也宮室車服器用須有一定等差然惟天子得以制之非天子不敢制也書寫的文字都有點畫形象然惟

天子得以考之非天子不敢考也政統于一尊規此析講此正見舜用自專及古之不可也饒雙峰曰此章爲在下位者言故非天子以卜于賤者特議未節引孔子作今様子正見有德無位不敢作禮樂也○不制度之制字當作字看註中品制制字方是寔字如車旗服色之類車如何制旗如何制天子之車如何制卿大夫之車如何制此特舉其端要以定其器數等咸之宜使各器無可假借耳許東陽曰

書名者卽字也名則其字之聲也如大字之形是書讀之日天是名考者欲正其字形及讀之聲音○天子是有德以立制作之本有位以操作之權有時以值世道更新之會所謂聖人受命而與之天子也卽卜筮之王者舜禹湯又或是也故有德與時在非只以位言若夏少康商高宗周宣王俱不與焉是爲遵守先王之法率由舊章者也○議禮二字以

今天下車同軌書同文行同倫

行去聲

禮之節自言若三綱五常三代相因之一禮固無所容議也貴賤相接之體如朝覲會同之類親疎相接之體如合族會食之類皆代有變更者

今子思自謂當時也軌轍迹之度倫次序之體三者皆同言天下一統也

參或問惟議禮制度考文出於天子所以今日之天下事文武創造之後其法制典章遵守無異以車而言造者非一人而其轍迹之在地者相距廣狹遠邇如一也以書而言筆者非一人而其點畫形象之文四方如一也以行而言行者非一人而其上下相接次序之倫等威節文皆如一也蓋同是周天子之所定然也

析講此節証明上節也上非天子不議禮云云此言今天下一統如此正以今天子議禮制度考文而人莫敢倍也則非天子而無敢自用自專反古者愈可見矣車同軌舉車以概其餘也軌不在車而在地蓋車以迹爲驗也同軌如冬官頒執事以令民察朴屬微圭朴屬堅固貌微輪圓而至地者少

也書同文兼形與聲言謂天下之字同其稱名也如車字如

此寫天下皆名之曰車行字如此寫天下皆名之曰行也以次序之體而用之于相接謂之行倫非人倫之倫乃禮度秩然之次序卽親疎貴賤相接之體也○車之同輶正以其爲

天子所制之度也下二句倣此○陳新安曰車同輶與制度

應車亦制度之一端也書同文與考文應行同倫與議禮應

○或問古之有天下者必改正朔易服色殊徽號以新天下之耳目而其心志若三代之異尚其見于書傳者詳矣輶

者車之轍迹也周人尚輿而制作之法頒于冬官其輿之廣六尺六寸故其轍迹之在地者相距廣狹如一凡爲車者必

合乎此然後可以行乎方內不不合乎此則不惟有司得以計之而其行于道路卽將偏倚杌槐而跬步不前亦不待禁而

自不爲矣古語所謂閉門造車出門合轍蓋言其法之同也文者書之點畫形象也周禮司徒教民道藝而書居其一又

有外史掌達書名于四方而大行人之法則又每尤歲而一誨焉其制度之詳如是以雖其未流海外分裂而猶不得

變也○朱子曰次序如等威節文之類體如辨上下定民志君臣父子貴賤尊卑相接之體皆是天子制此禮通上以共

行之故其次序之體等威節文皆如一也

雖有其位苟無其德不敢作禮樂焉雖有其德苟

無其位亦不敢作禮樂焉

鄭氏曰言作禮樂者必聖人在天子之位

恭序卽此觀之王制大同如此則爲下者豈敢僭上乎故不但無位並無德者不敢制作也雖有天子之位苟無聖人之德則亦愚焉卑固不敢自用以作禮樂焉雖有聖人之德苟無天子之位則亦賤焉耳亦不敢自專以作禮樂焉析講此節承上而究極言之須抑揚看上輕下重方切爲下不倍本旨○禮樂卽禮度文謂之禮樂者禮樂是通套字也下節禮字指制度文爲又該得禮樂禮度文矣○上段只形容下段愚賤俱指在下位者言分貼處須活看

子曰吾說夏禮杞不足徵也吾學殷禮有宋存焉吾學周禮今用之吾從周

此又引孔子之言，杞、夏之後，微、證也。宋、殷之後，三代之禮。孔子皆嘗學之，而能言其意。但夏禮既不可考，證殷禮雖存，又非當世之法。惟周禮乃時主之制。今日所用，孔子既不得位，則從周而已。

奉序雖以孔子之聖，而有德無位，不敢違周。亦嘗自言曰：吾嘗說夏禮，聞于千百而能言其意。而夏之後，曰：杞文獻無存，不足爲吾言徵也。吾安敢從之？吾嘗學殷禮，亦既考求而服習之。然殷之後，爲宋僅有存者焉。亦皆前代之事。吾安敢從之？惟吾所學之周禮正。我文武乘時之制作，至今天下，臣民遵而用之，既非夏禮之無徵，亦非殷禮之既往。吾惟從周，以守臣子之分而已。然則爲下不倍之義，觀于予言，而益見矣。然非修凝既至，明哲保身之君子，其孰能之？

析講此固之不可反古之意然寔承有德無位來從周，只重時王之制，上非若論語從郁郁之文也。時主之制，即指文武有德位而創制于前者說。○備考杞，姒姓伯爵武王克商，求禹、苗裔得東樓公，封杞以奉禹祀。宋子姓公爵武王誅紂立其子武庚。武庚叛成王誅之，中分其地，封微子爲宋公，以奉湯祀。禮樂車服悉如王者作賓王家。

右第二十八章 ○ 承上章爲下不倍而言，亦人道也

王天下章全旨

此章首二句是一章大旨，次節輕本身兩節。言君子制作之盡善，應三重，句是故節。言君子制作之宜，民應寡過，句末引詩見民寡過，由于本身之善居上者，必以修凝爲要也。通章重本身句，而知天知人尤本身之所以爲善處。

王天下有二重焉，其寡過矣乎

玉去聲

呂氏曰：三重謂議禮制度考文，惟天子得以行之，則國不異政。家不殊俗，而人得寡過矣。

恭蒙引子思謂，君子居上，不驕於何見之聖人，始受命爲天子，而王天下者，有議禮制度考文三件極重大之事焉。以之革新天下之視聽，天下之心志，則政教風俗一風，輓同倫同文之治，而無敢有越禮敗度舞文者。天下之人，其皆得以寡過矣乎。

析講王天下正，是上章有德有位，有時之天子重字要看。惟天子得以行之，是謂專典。若他人皆得天子之便，輕玩天下，如何？

使人人遵守而寡其過，有三重包下，故君子之道一節意寡過。包下君子動而一節意議禮以正民之行制度以辨民之章考文以端民之習則天下之人皆無敢越禮以犯分敗度，以從欲假文以飾僞而得以寡倍上之過矣。章句國謂諸侯家謂大夫以下人卽國家之人不異政不敢他有所設施也不殊俗不敢別有所習尚也同上文同軌同倫同範之意寡過亦重上之人有以寡之意。蔡氏曰：重字根王天下來惟聖人因運而興故所議所制所考謂之重典寡過根三重來惟重足以攝服天下故皆盡一守而有以寡民之過。

上焉者雖善無徵無徵不信不信民弗從下焉者雖善不尊不尊無徵無徵不信不信民弗從

上焉者謂時王以前如夏商之禮雖善而皆不可考下焉者謂聖人在下如孔子雖善於禮而不在尊位也。

參淺說夫所謂王天下者乃身有其德而又有一時與位者也如時主以前是上焉者其制作雖善然世遠人亡非其時而無可徵考也無徵則不足取信于人不信則民駭之而弗

從矣又如聖人在下是下焉者雖善于制作然身屈道窮無其位而不尊也不尊則不足以取信于民則民玩之而弗從矣欲寡過得乎

民則民玩之而弗從矣欲寡過得乎
析講此節輕看反言以起下文之意上焉者有德位而無特者也下焉者有德而無特位者也故皆不能使民信從而寡過未須補出有時而無德者尤不足以寡民過意則接人下節方緊爾不信非民不信是我自不足取信于民也。○蒙引上焉者只言時王以前下焉者只言聖人在下不可露出夏商孔子字上焉者下焉者則非常時之王天下者也不信不從則不能使人寡過矣此是正意思下文本諸身則有其德矣微諸庶民則有其時有其位而人信從矣既本諸身微諸庶民則考諸三王自不謬云矣文意自相照應也

故君子之道本諸身徵諸庶民考諸三王而不繆建諸天地而不悖實諸鬼神而無疑百世以俟聖人而不惑。

此君子指王天下者而言其道卽議禮制度考文之事也本諸身有其德也微諸庶民驗其所信從也建立也立於此而

參於彼也。天地者道也。鬼神者造化之迹也。百世以俟聖人而不惑。所謂聖人復起。不易吾言者也。

令亦可見。操制作之柄者必有德。有位。有時。民乃信。從。稱盡善。是故王天下之君子。其三重之道。由德性既尊。問學既道。有以明禮樂之情。循事物之則。而一本。諸其身。且又受天命。而爲天子。值改革之時。居制作之位。徵諸天下之庶民。有必信。必從之理。亦可以驗。吾制作之善矣。于是以下今日所行者。考諸三王。則因革損益。俱與其已然之迹。無所差謬。也。以下我所建立者。與天地相參。則裁成輔相俱。與其自然之道。無所悖戾也。鬼神無形。而難知。然我之制作已無可疑。即以質諸鬼神。其屈伸變化。不過此理。幽有以驗。平明而不疑也。後聖未至。而難料。然我之制作已無以加。卽以之俟百世之聖人。其作爲運用。不過此理。遠有以驗。乎近而不惑也。蓋君子三重之道。無往不合。其功用弘大悠遠。有如此。

析講本身。一句又三節之冒。自考諸三王。至知人也。根本本身。二句來申。明有三重。動而世爲一節。正徵民之寔。申明寡民過。本字徵字非考質等。一例。乃對不謬等字看。謂已有德。已足徵也。木諾身。謂有德。惡非不善者。比微。諸庶民。謂有時。與

位。見非無徵。不尊者。比民。有必信。必從之理。而可以驗。我制作之一善。故曰徵。諸庶民。若就說人。信從便。是天下法。則。考。建以下。皆就現成說。謂以三重之道。考之。建之。也。質。俟。亦然。天地重。自然意。鬼神重。莫測意。三王之已然者。如三綱五常之不變。制度文爲之。損益是也。君子雖有效法。裁成之異。而總于理。無所違。故曰不謬。鬼神之莫測者。如盈虛消息之相倚。屈伸往來。乏不窮是也。後聖之難料者。如化裁。異宜。而將來者。不可拘沿革。異勢。而未然者。不可必是也。疑以幽明。之未化也。惑以心神之未必盡。合言俟之。不惑者。信其不能外吾之規矩。而別有一建立也。○本諸身。是大綱領。徵諸庶民。根本。參諸身。來考。諸三王。四句。又根本。身。徵。民。來。○道字重。天地鬼神三王。後聖俱不是形迹。上與他相合。俱以理論。故重道字。蓋不能皆合者。天人異其分。先後異其時。而其無往。不全者。理也。故下節註云。知天。知人。知其理也。○朱子曰。鬼神無形。而難知。則比天地之自然者。又進矣。後聖未至。而難料。則

比前聖之已形者又進矣故下節知天知人只舉下兩句該得上兩句○本諸身有其德也非謂今左反身以修德也徵諸庶民驗其所信從也非謂今左去驗他也是已號者也二句並重三主四句總根本身徵民來有說偏重本身三句則是專重德而輕看時與位矣不可從

質諸鬼神而無疑知天也百世以俟聖人而不惑知人也

知天知人知其理也

令參君子制作之無不合不過天人之理而已鬼神至幽而質之無疑者知天之理也蓋鬼神爲天之用君子之本諸身者窮神知化于下天道所以然之理知之無不盡故其見于制作者皆合乎天自可質之而無疑也言鬼神則天地可知矣後聖至遠而俟之不惑者知人之理也蓋聖人爲人之至君子之本諸身者明物察倫于人心所同然之理知之無不全故其見于制作者皆合乎人自可俟之而不惑也言後聖則三王可知矣君子尊德性道問學之後心通本始而天人之理會于一原故知則無所不知而制作之所以盡善也

析講此節推本君子之制作之所以合于天人者非偶然也由知天人之理而制作也兩知字非闡見之知直從尊德性道中間學來亦所謂察之至于巨細精粗無毫髮之不盡者知其理無不盡故制作做得合其理而無往不善也知天人之理字與上節天地之道只指運行顯設者不同許東陽曰鬼神乃天地氣之靈者鬼神既該得天地一包而以知天統之先聖後聖一揆即後聖該三主一包而以知人統之○天卽命人卽性鬼神雖幽不外之命後聖雖遠不外之性君子窮理盡性以至干命故質之俟之不相疑惑是指點出他本身之蘊○知天知人推原制作之無不合也惟其知天故制作食于天天地鬼神皆天也惟其知人故制作食于人聖人之人之至也此雖申子說一句其寔總申四包言下見得都建質俟尚然何況斯民以注下十一節

是故君子動而世爲天下道行而世爲天下法言而世爲天下則遠之則有望近之則不厭

動兼言行而言道兼法則而言法法度也則準則也

參或問夫君子知天人之理而制作盡善如此則人豈有不

信從之而寡過者乎。是故君子三重之道，動作于一身上而措之天下者，皆天之不可違，人之不可易者也。非直一世，由之而世世爲天下所共用之道，以三重之道盡于吾身而措諸政事，是動而行也。則人皆道其行而世世爲天下之法程，無有不遵守之者。以三重之道發諸議論而布諸號令，是動而言也。則人皆道其言而世世爲天下之準則，無有不取正焉者。如此則後世之天下皆信從而寡過矣。以言乎四海之遠者，悅其言行之可爲法則，企而慕之，則有望以言乎畿內之近者，習其言行以爲法則，久而安之，則不厭。如此則當時之天下皆信從而寡過矣。三重之盡善，何如也。

析講 胡雲峰曰：此節申言下徵庶民之意。○動兼言行，還是兼見之身而措之世說，或專舉一身，言或專指措之天下言，者皆偏道。由也爲天下道，做天下人的道路，而共用之也。行有成迹，故可效法。言只言其理，如此未有事迹，可據故人準則之世，不要涉易姓之世碍。雖善無徵意，宜主本朝說。○天下兼後賢後王後民，有希望不厭，俱重在遵其制作上。

詩曰：在彼無惡，在此無射。庶幾夙夜，以永終譽君子。未

有不如此而發有譽於天下者也。惡去聲射音。
姪詩作歌。

詩周頌振鷺之篇，射厭也。所謂

此者，指本諸身以下六事而言。

參序要而言之，寡過在天下，則君子之譽亦在天下矣。然皆本于三重之盡善，非僥幸也。周頌振鷺之詩美一王之後，有云：「在彼」，本國無惡之者。在此我周無射之者。彼此咸宜，則庶幾夙夜之間，得以求終其美譽乎？夫求終譽必本于無惡無射，如此可見。有三重之君子，未有不本乎徵民不謬，不悖，無疑，不惑，如此而能世道。世法世則，有望不厭，蚤有譽于天下者也。然則修德，疑道，以居上而不驕也。豈偶然哉？此太道也。析講上節，言民之寡過，便是君子有譽處了。此節則引詩而決言，君子無本之譽，以總申前二節意也。無惡無射，卽君子之道，節無往不合。謂夙夜終譽，卽世爲法則，有望不厭之謂也。先也，遽也有三重之盡善，然後有末譽。未有不如此而遽，便有譽者也。當責未有二字，正謂必有本，是以六事左有末，終之譽。大全陳氏謂蚤有譽，尚易求，終譽九難，看作兩樣，不可從。

右第十九章

○承上章居上不驕而言亦人道也

仲尼章全旨

此見中庸之道盡于仲尼首節已盡仲尼之大處次節是喻其大末節是言天地之所以爲大而仲尼與天地同其大意自見上數章言天道人道之事詳且盡矣此章復以仲尼一身之事終之蓋以見群聖之道畢集于夫子之身也○此章包下二章爲第一

三太節之終仲尼正上至誠聖人

仲尼祖述堯舜憲章文武上律天時下襲水土

祖述者遠宗其道憲章者近守其法律天時者法其自然之運襲水土者因其一定之理皆兼內外該本末而言也令參子思前言堯舜文武周公能體中庸之道至此言孔子法堯舜文武周公以體中庸之道以終天道人道之說謂夫太道獨集其成者惟我仲尼_{上如堯舜}人道之極也仲尼則奉爲祖而傳述之_{下博約熟精}之旨_{中執}本多執中之傳皆所以遠宗其心法也文武法制之備也仲尼則奉爲憲而奉_章之如_{政治}欲舉方策禮樂必從先進所以近守其謨烈也眷

夏秋冬天之四時有自然之運仲尼則上律之出止久速變化于達權之際直與天時相爲順應也東西南北四方之木直與木土爲安止也合帝王之精體天地之撰仲尼之道其盛矣乎

析講子思作中庸原爲仲尼之教不行故作書以表之祖述仲尼正祖述堯舜文武之道以與天地爲昭著也前章仲尼曰一節述其言此節歸中庸之統于仲尼也堯舜非不足以道法而道爲正宗文武非不足以道而法爲大備故章句以道法分貼之上律者動靜相生與天同運而不違下襲者動靜各定與地並止而不易裏惟一身脩陰陽剛柔之理故能備之襲之也内外本末逐句皆有黃葵軒云存帝王天地之理于心爲內爲本措帝王天地之理于事爲外爲末極明白○饒氏曰上二十一句言學之貫乎古今下二十一句言學之該乎穹壤之不倍而已又有以闡釋而垂之不朽也律襲非有心只是妙理自相符合舜隨時變化不拘一定便是上律天時素位而行各止其所便是下襲水土○古聖主所以迎日推筭須

朔授民體國經野，舞物居方，總是效天法地之事，可見堯舜之道文武之法，亦不外乎上律下，事可見堯舜

章節在其史故下文只以天地論之。

辟如天地無不持載，無不覆憲。辟如四時之錯行，如

日月之代明。

旁辟音譬憲
徒報反

錯猶迭也。此言聖人之德。

合參夫其祖述憲章上律下，襲合古今上下之道而兼體無遺也。辟如天地無一物不持載，無一物不覆憲。其祖述憲章上律下，襲統古今上下之道而迭運不窮也。辟如天地中四時之相交錯，而行如日月之更相代而

明仲尼之大如，此是仲尼一一天地也。

析講此節約言之，只是一個全體不息而已。全體不息俱兼蘊之于心，措之于事。說麟土謂上二句屬內下二句屬外。時解遂謂上二句主體，言下二句主用，言此因襲之誤人也。更有謂上二句以太德言，下二句以小德言，益謬蓋持載覆憲錯行代明，卽下節並育並行只是太德一邊而不審不悞也。

○蔡氏曰：此節卽就上節而贊其大也。○無不持載謂載得天下許多道理，無不覆憲謂括得天下許多道理。錯行代明謂道理無時或息，外剛柔互用，仕止咸宜。是也。意本龜峰錯行謂寒往則暑來，暑往則寒來。代明謂日升則月沉，月升則日沉。意本陳氏○天地非覆載萬物，聖心覆載萬理。錯行代明只重錯代二字，見聖心迭運，不窮意明，並日月之謂。

萬物並育而不相害，道並行而不相悖。小德川流，大德敦化。此天地之所以爲大也。

懷猶背也。天覆地載萬物並育於其間而不相害。四時日月錯行代明而不相悖。所以不害不悖者，小德之川流所以並育並行者，天德之敦化。小德者全體之分，大德者萬殊之本。川流者如川之流，脉絡分明，而往不穷也。敦化者敦厚其化，根本盛大而出，無窮也。此言天地之道，以見上文取辟之意也。

參大全試以天地觀之，則益知仲尼矣。天無不覆，地無不載。

萬物並育于其間而性命各正不相侵害也四時日月一寒一暑一晝一夜並行其中似乎相反而更迭循序寔非相違悖也夫其不害不悖者乃是天地有數殊之小德無物不有無時不然如川流之于支萬派而分明不息也夫其並育與行者乃是天地有總會之本德爲萬物之本爲四時之率而化原之敦厚盛大時出不窮也有小德以爲分有大德以爲合此天地之道所以爲至大而不可及也

此仲尼之道所以爲至大而不可及也

柳講上文言聖人之德辟諸天地之大此則言天地之大以見仲尼之大正發明上文取辟之意也不相害是各成一个物不相侵害如羽毛不妨鱗介意非不相殘害也四時日月之運行變化謂之道道往來于天地之間便是並行而其並行也寒暑相推而歲成晝夜相禪而明生循還不忒是爲不相違悖萬物四時日月俱就逕上看大德小德只就裏面所行也主張之者一自承受說卽其合處分而言之也一自源頭說卽其分處合而言之也不要作體用看川流猶事物物各具一太極之意敦化猶事物物統體此太極之意虛齋云並育而行不害不悖如萬物各正保合之類太德小德如下于物上月

得乾之元亨利貞處最爲明了天地之所以爲大猶言天地之全能于此著也仲尼之德攢帝王天地之道於萬物而一本萬殊者一小德之川流也蘊帝主天地之道于一心而萬殊一本者一大德之教化也故曰可以見上文取辟之意○胡雲峰曰太德卽所謂天命之性卽所謂未發之中小德卽所謂率性之道卽所謂時中之中黃氏曰不害不悖就在並育並行在內二十句氣化形化總是化之川流處當不得德其所謂化處乃德也德通在內敦者敦此化川流者流此化故小德太德可以分合言不可以體用分也朱子曰太德是敦那敦化以聖人言之則物各朴者小德之川流純亦不已者天地言之則高下散殊者小德之川流於穆不已者大德之敦化以聖人言之則物各朴者小德之川流純亦不已者天地言之則高下散殊者小德之川流並育並行處便見是太德之敦化○此一節主天地言不下主萬物及四時日月言故不害不悖處便見是小德之川流並育並行處便見是太德之敦化此天地句不要太泥所以字要看爲字意不是推奐其所以大乃是備言其所以爲大之寔也天地之所以大處只在萬物四時日月聖人之所以大處只在祖述審章上律下襲若又推而進之以爲有一德以主之而乃見其大則

首一節云「云反輕矣豈正旨乎」

右第三十章 ○言天道也

唯天下至聖章全旨

此章一氣緊承，總重首節，是詳論聖人之德，下乃究極其盛而深贊之也。蓋溥博淵泉時出，緊承五德來如天，大如淵，緊承溥博淵泉來敬信說來，總是從聖德說到發外，說到及八而贊其同乎天也。前重後輕，章句言聰明睿知，下義禮智分別許多條目，不比下章渾淪言之，故曰承上章小德之川流而言，并以五者爲小德也。

唯天下至聖爲能聰明睿知足以有執也齊莊中正足以有敬也文理密察足以有別也

知去聲齊側皆反別彼列反

聰明睿知生知之質，臨謂居上而臨下也。其下四者乃仁義禮知之德文文章也。理條理也。密詳細也。察明辨也。

令叅承上小德川流言曰：「德有赤備者，皆聖有未至也。惟人下，至聖天性粹精其生知之質爲能，雖無所不知，而天下不見睿，無所不通知，無所不知。首出庶物，大過乎人任天下之大，必無遺于坐炤之中。吾知其足以居上而臨下也。質無不全，則德無不備。」言乎其仁之德，則寬廣而不狹隘，優裕而不急迫，溫厚而不慘刻，柔順而不乖戾。此便是容保四海之度，不待見于育物之日，而自足以有容也。言乎其義之德，則便是執持萬物之操，不待見于當幾之日，而自足以有執也。言乎其禮之德，則齋而純一，不雜非而端嚴不慢，無過不及，而中不偏不倚，而正直，便是不顯雋恭之神，不待奉神謹民，然有序，每事詳審，而不粗疎，審察而不混淆。此便是昭融不昧之哲，不待析幾辨類而自足。以有別也，此所以爲天下至聖也。

析講此節總是表聖德之全，雖有質與德之分總，是德也。惟天下至聖句總領通竟，而有曉句又爲此節之綱，蓋容執敬別只完得臨天下事也。爲能字要得自然意，貫下五者而言。

德俱就心上說足以云者尚未見于用只是應用的道理具足于心耳聰明雖在耳目而所以聰明者心也睿知則純以忘言睿是思慮之微通乎微者知是心體之明周乎物者此是生知之質包有安行在下文仁義禮智之德莫非由具此質而獨全也有首物之資便足以統案物之權故曰足以有臨亦只是卽體以知其用意須要留時出地步○陳氏曰上一句包含說下四段方細分仁義禮智說仁則度量寬大故日有容義則操持堅固故曰有執禮之施敬而已故曰有敬知足以分別事物故曰有別四者皆從聰明睿知中細分條貫說來○上聰明睿知之知所謂是非之心智也聖人與人同于降衷之初而獨異于形生神發之後者也○前一段生知之聖總下四者而言○睿對知而言知是體睿是深通處

溥博淵泉而時出之

溥博周徧而廣闊也淵泉靜深而有本也出發見也言五者之德充積於中而以時發見於外也

卷序

聖人五德備足但見其充積於中者周徧悉備而廣闊

悉包何其溥博而蓄之厚也靜深爲藏而原本不窮何其淵泉而資之深也由是而體無不具故用無不周時當有臨則生知出時當有容則仁出時當有執則義出時當有敬則禮出時當有別則知出發見於外夫豈有或礙有或置乎析講此承上文申言聖德有積中發外之妙溥博淵泉不是到此方充積正是卽五者之德充積處言之時出則向之足于用者今皆見于用矣但疏義尚在下節此處仍須承上五足字渾發大意耳溥博總是備萬物之理而不可限量淵泉總是涵萬理之原而不可測度意淵泉是假借字非譬喻字時出者以時發見謂當用仁時則仁發見當用義時則義發見之類○淵泉字與溥博字一例看○時出有二義隨時出之則咸宜不穢時時出之則反應不窮

溥博如天淵泉如淵見而民莫不敬言而民莫不信行而民莫不說

見音現

言其充積極其盛而發見當其可也

參大全夫溥博淵泉而時出者非尋常比也換其溥博則如

天焉天大無外聖德亦無外也擬其淵泉則如淵焉淵深莫測聖德亦莫測也蓋其充積爲極盛也有此極盛之德時而見焉則爲德容之動見合民心而民莫不欽敬之時而言焉則爲德音之秩言合民心而民莫不尊信之時而行焉則爲德行之施行合民心而民莫不悅

服之蓋發見各當其可有如此

析講天淵是狀其積之盛敬信悅是驗其發之時此只是申明上節意非上只充積至此方極盛上只是發見至此方當可也見如動作威儀之類言如訓誥號令之類行如禮樂刑政之類敬者不敢慢也信者不敢悖也悅者不能忘也敬信悅誠存疑就以敬信悅爲當可未是或主計行皆是見信悅皆是敬亦不是蓋人君恭敬已之容亦自不可少也○天之溥博淵之淵泉以形言至聖如之以心言蓋天無一物之不覆聖人則無一理之不該淵有莫測之機聖人則有丕窮之蘊故曰如天如淵見而三句是接比文時出字而發揮之下文莫不尊親極言其敬信悅也

是以聲名洋溢乎中國施及蠻貊舟車所至人力所通天之所覆地之所載日月所照霜露所降凡有血氣者莫不尊親故曰配天

施去聲

舟車所至以下蓋極言之配天言其德之所及廣大如天也
黎陳氏夫充積既盛則發見當可有是聖德之寔是以有是聖德之聲名內而洋溢乎中國外而施及蠻貊夫舟車所至人力所通天之所載日月所照霜露所降之地可謂盡中國蠻貊之地矣其間凡有血氣而爲人類者莫不仰其君臨之德而尊之爲元后親之如父母蓋敬信悅至于此豈非德之所及廣大如天乎故

日配天此至聖所以爲天道也

析講上節言敬信悅不過是驗其當可之意此節始自民之敬信悅而極其形容也是以字承上來言聖德充積之極盛發而爲斯民之敬信悅如此是以德之所及廣大如天也○德之發見而人皆敬信悅處便是聲名所在舟車以下不外

中國蠻貊之地，註極言之，蓋極言天下去處以起莫不尊親，句非又推出言之也。曰凡有血氣者盡人類而言是盡天下之人皆敬信悅也。仰其德而尊親處便是德之所及，非必聖人施德至此。天之體無一物之不覆，聖之德無一物之不被。故曰配天言其用功等乎天也。○配天以德所及言。○陳新安曰此章言達而在上之聖人，其盛德之全體大用如此。可謂極至而無以加矣。可以當此者其惟堯舜乎。

右第三十一章

○承上章而言小德之川流亦天道也

唯天下至誠章全旨

此章首節言至誠功用之自然次節是申明其盛只是摹擬聖心，非比上節更深入一層也。未節言非至聖不能知所以深贊其妙耳。上章以至聖屬小德者，蓋至聖就行說自體達用也。此章以至誠屬大德者，蓋至誠就心言自用入體也。

唯天下至誠爲能經綸天下，太經立天下，太本知天

地之化育夫焉有所倚

夫音扶焉

於虔

久

經綸皆治絲之事，經者理其緒而分之，綸者比其類而合之。也經常也。大經者五品之人倫大木者所性之全體也。惟聖人之德極誠無妄，故於人倫各盡其當然之實，而皆可以爲天下後世法。所謂經綸之也，其於所性之全體無一毫人欲之僞，以雜之而天下之道千變萬化皆由此出。所謂立之也，其於天地之化育則亦其極誠無妄者有默契焉。非但聞見之知而已。此皆至誠無妄自然之功。

用夫豈有所倚著於物而後能哉。

剝序子思承上章大德敦化而言，謂夫理之在天下散于人倫原于性命而皆備于一誠。惟聖人之心極誠無妄，是爲天下至誠爲能于五品人倫而爲天下之大經者，有以經之。辨其分而不相亂，綸之合其類而不相乖，自盡其當然之實，皆可爲天下後世之標準爲能于所性之全體而爲天下之太本者，有以立之。一理渾然無所偏倚，凡變化之理皆從此出焉。爲能于下「元迭運」而爲天地之化育者，則又有以知之。蓋陰陽五行總此寔理至誠之仁義禮智與天地之元亨利貞本契合而無間，又何不融會貫通也。凡此者皆其功用自然不思不勉夫焉有所倚而爲之哉。

析講至誠以寔心言所謂功由猶言至誠之能事亦就發外者言如至誠無息之功業也勵能字貫至化育三句俱要會章句根至誠上說又要含下節懸至靜深廣大意五品之人倫爲生民經常之道故曰太上經至誠爲能經綸之經綸是借用字自至誠一身言如爲君盡仁爲臣盡敬是經爲君而仁其臣爲臣而敬其君是綸非兩截意所性之全體萬事萬物之理莫不統于其間故曰太本謂之立太本者只是至誠全得二一个所性之本體便自植立得二一个泛應的道理瞿昆湖云兩天下字亦根至誠說蓋因至誠盡得今大經當然之寔二而皆可以爲天下後世法此固至誠之能事而修道之教卽在于其中故不徒曰經綸太經而曰經綸天下之太經因至誠全得人所性之理而無遺而天下之道千變萬化皆由此出故不徒曰立太本而曰立天下之太本○胡雲峰曰首章曰中者天下之大本此則加以立字太本是所性之全體本無一毫人欲之僞立之者聖人所性之全體無一毫人欲之僞以難之也立字不是用力也○天地之化育該四時日月萬物而言如始物通物而爲亨成物藏物而爲利爲貞所謂維天之命於穆不已者也其爲元亨處不過二誠之通

其爲利貞處不過二誠之復至誠以其至誠無妄之心而默契其於穆不已之運一道德相契兩心無間故曰知饒雙峰曰大經是道太本是性性乃大經之本也天地化育是命又太經太本之所自來也從饒雙峰說看來是至誠之知化育亦自其經綸立本處知之也夫焉有所倚要說得至誠自然意出蓋至誠無妄則從此心中流出許多功用如經綸一誠之盡倫也立本一誠之盡性也知化育一誠之至命也大經太本化育總是一一个寔理至誠全此寔理便能如此亦何待倚着干物而後能哉如饒思勉處便是倚着于物朱子曰經綸卽致和立本卽致中致中和卽窮理以至于命○贊化育是至誠之功有補于造化知化育是至誠之心無間于天地○知化不出經綸立本之外浩浩不出淵淵肫肫之外此卽朱子雙峰饒氏之意○無倚是不着思勉生知安行自然而然

肫肫其仁淵淵其淵浩浩其天

肫之純反

肫肫懇至貌以經綸而言也淵淵靜深貌以立本而言也浩浩廣大貌以知化而言也其淵其天則非特如之而已

參序吾由至誠之功用而思至誠之心體其經綸之無倚處

則慈愛決治，恩意周流，肫肫乎懸切篤至。其卽聖心之仁也。其立本之無倚處，則私欲無間。萬理沉涵，淵淵乎靜深莫測。其卽聖心之淵也。其知化之無倚處，則心通造化，通復無方。浩浩乎廣大難量。其卽聖心之天也。至誠之德，其至盛矣。乎析講經倫處，卽是仁以五倫之間，總愛決治。言立本處，卽是淵以萬理中涵。本原澄徹，言知化育處，卽是天以心涵。太虛神通造化，言蓋萬化之理，都在聖人之心。何等廣大。故曰：天肫肫是形容他。仁之懇至，猶言至誠之仁。是肫肫其仁而經倫之量，一至于此也。下二句做此。朱子曰：肫肫其仁者，人倫之間若無仁厚意，則父子兄弟不相管攝矣。陳氏曰：靜深，則有根本而不竭。故以立本言至誠與天地同其大，故其生育變化與天地同其功。故以知化言。○仁淵天是至誠所自有，通以一心之至誠貫其天。其淵就說至誠之天淵。許氏曰：上章是發見于外者，故衆人見其如天，如淵而凡有血氣者皆尊親之。此章是言其在中者，故曰其淵其天。而惟聖人能知聖人也。○此節承上起下，肫肫淵淵浩浩，字摹狀其仁，其淵其天，字卽至誠之天德也。故下以非達天德者不能知之，以贊其妙。○此卽上節而形容其盛，非進一步之詞。

苟不固聰明聖知，達天德者其孰能知之

聖知之
知去聲

固猶實也。鄭氏曰：唯聖人能知聖人也。

參淺說至誠之道，如此知之者，其唯聖人乎？苟不寔有聰明聖知之資，而達仁義禮智之天德者，則心非至誠之心，明非至誠之明。其于所謂經倫立本知化育者，何足以知之哉？聖人天道之極致，至此而無以加矣。

析講不曰睿知，而曰聖知者，睿作聖也。達卽下學上達之達謂通達無間也。曰：天德者，仁義禮智卽天所由命之德也。聰明聖知，卽上章聰明睿知達天德，卽上章寬裕等句。蓋身有是德，故能知至誠之妙。知謂深探其蘊也。苟非其人，則德非寔有，與至誠爲兩樣人，故不能知之。說者拘于此節重知，上謂達字是知字義者非矣。其謂者字是至聖之尊稱，尤謬。蓋本文只說這等事耳。此不重在知至誠身上，只重贊至誠之難知，以見其妙。上王觀濤曰：固寔有也。貫到者二字，達字是優入之意。天德卽仁義禮智，固聰明聖知與至誠作一个人看，莫作兩人看。言此等妙道不但不易能，亦不容易知，必能此之人方能知此也。不重人當知，只重贊其妙。上

右第三十一章

○承上章而言太德之教化亦天道也前章言至聖之德此章言至誠之道非至聖不能爲則亦非二物矣此章言聖人天道之極致至此而無以加矣

衣錦章全旨

此章之意與中庸首章相應所謂一部中庸之結尾也首章由天命而及體道之功自天而推之人此章由爲已而及上夫之載自人而達乎天入德與至德相應總重闇然二字正所謂下學立心之始也章內入德之功夫德之效俱自闇然之一念充之凡八引詩自衣錦尚絅至不顯公惟德凡五條始學成德疎密淺深之序也自不大聲色以至無聲無臭凡三條皆所以贊夫不顯之德也細分則首節言下人德由于爲已知幾述及工夫二十節引詩言慎獨之事所以著爲已之功三節引詩言存養之事見功之益密四節引詩言化民之事所以著爲已之效五節引詩言化成之事見效之愈遠六節三引詩以贊不顯之妙所以

者下學爲已之極功以終第一章之意也

詩曰衣錦尚絅惡其文之著也故君子之道闇然而日

章小人之道的然而日亡君子之道淡而不厭簡而文溫而理知遠之近知風之自知微之顯可與入德矣

衣去

聲綱曰迴反惡去聲闇於感反○前章言聖人之德極其盛矣此復自下學立心之始言之而下文又推之以至其極也詩國風衛碩人鄭之丰皆作衣錦襍衣襍絅同禪衣也尚加也古之學者爲已故其立心如此尚絅故闇然衣錦故有且章之實淡簡溫綱之襲於外也不厭而文且理焉錦之美在中也小人反是則暴於外而無實以繼之是以的然而日亡也遠之近見於彼者由於此也風之自著乎外者本乎內也微之顯有諸內者形諸外也有爲已之心而又知此三者則知所謹而可以入德矣故下又引詩言謹獨之事

余蒙引于思真至聖至誠之功用極其至矣又慮學者興驚于高遠而忘下學之功也故此章復自下學立心之始而推之以至其極謂夫國風衛碩人之詩有曰衣錦而尚之以絅詩之意蓋惡其錦文之外著而欲其斂于內也此古人之立心不苟有如此觀古人之立心而君子爲已之心可推矣故

君子下學之道專務爲己，不求人知。所以外面閑然無華，而祝中積美，自然日向章明而不容掩。若小人之道，則專務人知。的然外見，而中無其寔。日就鋪亡，豈可與君子同？日語哉，然所謂閑然日章者，何如？君子之道，其日用言行，外面雖只平淡，而其中事味，却自不厭。外面雖只簡朴質素，而其中却自有條理。此皆衣錦尚綱爲己之心也。然使不知其幾之所，在而謹之，則亦何以充其爲己之心哉？故君子又有知幾之學焉。知遠之幾，在近遠，而家國天下之有治忽，由近而吾身之有得失也。知風之幾，在自風化之在身者，有得失，由自心之有邪正也。知微者顯之幾，邪正之有，諸內者甚微，而善惡之由中達外者甚顯也。賜本察末，揣端知緒，方于近自微謹之，可以清其爲己之本，充其爲己之。

心與之入德而馴至聖人之城矣。

析講此節，要說得貫串先，假詩詞而表古人爲己之心，遂舉言君子立心爲己，故其道閑然，而日章不掩小人之的然。日亡，淡簡溫三句，正形容閑然日章之意，蓋據君子爲己之心而言，其理之必有者如此。知遠三句，又言知幾之學，乃是用

功之門路，即所以充乎此心也。惡文之著，且汎就古人言，故君字以下，方就上文意說到。下學君子身上，衣錦者，美在其中，尚綱者，不求知于外。君子之學務寔，而不務名重。內而不重，外所以閑然。雖曰閑然，而道理自靜，若而不密，猶衣錦尚綱，而錦之文来自見于外也。小人反是，其分別只在爲己爲人之不同耳。淡而三句，皆寔理原自有的未曾說到。學力上淡簡溫，就外面說，淡中自不厭，簡中自有文溫，中自有理。總是處，而其所以然，則以錦之美在中也。朱子曰：惡其文之著，亦不是無文也。自有文，在淡，則生厭，而今却不如，有少錦在裏面，簡溫亦然。正與上意合。知遠二句，據表而知裏也。知微，一句，由內以達外也。知不是空空，知得便有致。謹于近，自微意入德，註巾緊，帶知幾說，而立心爲己。其本也。蓋有爲己之識，則不務乎其外，而立德有地。又有知幾，明則不厭，于所從而進德，有門故曰可與入德矣。知幾，無工夫工夫，在下，二箇蓋謹獨存養之事，正所以謹乎近自微也。至于不貲而勸，不怒而威，篤恭而平，則謹之，微者顯矣。謹之，自者風且行矣。謹之，近者達乎遠矣。通節只重爲己。上知幾，卽所以充爲己之心也。觀註中而又二字，便見○淡簡溫卽閑然。

不厭文且理卽日二章不過卽闇然句而詳說之者也○德字包上二章貫本章說卽至誠至聖之域及後面不顯惟德無聲無臭之極處入字是初入門意至德淵微莫測全不可以一毫馳騁之心入之惟沉潛收敛則入今由爲已而知幾則必知所以謹其幾却是个沉潛收敛切已用功的人豈不可與入德蒙引所謂爲已者未有許多工夫只是有此心耳觀章句一則曰立心爲已再則曰有爲已之心可見翼註文字無病病在著字又太著則心馳于外炫故詩人惡之淡簡溫自旁人看君子如此君子亦不自知其如此也○遠屬人近屬身如天下國家之治亂本于身之修不修皆是○風屬身自屬心如吾身之善不善可以風天下而寔由乎心之正不正皆是○微之顯卽莫顯乎微也一念而正雖甚微必顯於萬事萬化皆當一念而邪雖甚微必顯于萬事萬化皆非皆是微之顯

詩云潛雖伏矣亦孔之昭故君子內省不疚無惡於志君子之所不可及者其唯人之所不見乎

悲去

詩小雅正月之篇承上文言莫見乎隱莫顯乎微也疚病也無惡於志猶言無愧於心此君子謹獨之事也

參太全以入德之事言之小雅正月之詩有云人心一念之起潛藏于內雖隱伏矣然其理甚昭明詩蓋言獨之不可不謹也故入德之君子致謹于一念獨知之地內省此處察其善惡必期有理無欲而無一毫疚病方安于心而無惡夫不疚無惡君子誠不可及矣而皆由于內省是則君子之所不可及者只是能于人之所不見之處以臻謹于獨乎此省察爲已之功也

析講潛雖伏矣卽首章隱微意亦孔之昭卽首章莫見莫顯意引詩只言獨之謹不言說着工夫而內省二句則正言謹獨工夫也故章句于無惡于志下着一事字意自了了蓋謹獨只是一个審幾省者審察之謂內者正是反觀于意念之所發而察其爲理爲欲爲善爲惡之幾也察之于內而有理無欲有善無惡便是不疚便無愧怍于心矣下面不可及之本不疚無惡說人所不見本內省說蓋指上二句而贊美之如君子胡不慥慥耳一般見獨非君子不能慎也若謂內省二句就現成謹工夫在內省之前便不是于思卑緊示人下

乎，用功意，况已能如此，便是意誠地位，何用內省，一說謂人所不見爲謹，獨工夫亦謹，盡人所不見，只是個獨字，而謹獨工夫，又不客體，却潛伏孔席說也。○三山陳氏曰：上言入德之門，此以下言其事，此一節言人之所不見處，又申明首章謹獨意下，一節言已之所不見處，又申言首章戒慎恐懼意。○三節不要對看，須追憶說去，蓋謹獨則爲已之功已密，而存養則爲已之功益加密矣，方與註意合。○內省二字最重，是省其天理人欲，而加存遏之功，使人欲盡去，方是不疚，不可及，只云其不疚，也有疚者，不及之其無惡，也有惡者，不及之勿認，作事業不可及，所不見高不疚，無惡而屯于內省，是不過我自省之，而人誰見之。○潛伏詩，指魚言，此借之以言心甚隱微，而爲莫見，莫顯之幾也。

詩云：相在爾室，尚不愧于屋漏。故君子不動而敬，不言而信。相去

詩大雅抑之篇，相視也。屋漏室西北隅也。承上文，又言君子之戒謹恐懼無時，不然，不徒言動，而後敬信，則其爲已之功

益加密矣。故下文引詩，先言其效。

參淺說不但已也，六雅抑之詩有云：看爾在爾室之中，庶幾常存兢業，不愧于屋漏之神乎。詩益言謾之不可不謹也。故入德之君子，戒慎恐懼無時，或忘動固敬也，雖不動而反必存此敬之心焉。言固信也，雖不言而亦必存此信之心焉。夫不動，不言，所謂屋漏也，而敬且信，是能不愧。

干屋漏也。此則存養之功，而爲已益密矣。

析講上節引詩，是借來說出獨之當謹，此節不動言中，屋漏意，敬信，弗不愧意，不動不言之時，未有事，只是敬信之心，常存，所謂戒慎不暗，恐懼不聞者，也不動不言，該動與言，益自言動之時，以至干不動不言之際，無特而不敬信，方是真能不愧，屋漏也。此與上節功固並用，然靜存更密于勤察。○許氏云：尚庶幾也。戒詞也。屋漏室西北隅上爲圓窓，以透明，則其下反暗，人處其地，非獨人不見已，分曉自視其身，尚不分曉，以讐君，子不但謹于人所不知之地，而于已所不知之地，亦所當慎。此說發得已所不知意，分明。○雲峰胡氏曰：上文弘詩，但見學者有爲已之心，此兩引詩，方見學者有爲已之學。北溪陳氏曰：此處一節密，一節疏，章先說戒懼，後說慎獨。

詩曰奏假無言時靡有爭是故君子不賞而民勸不怒而民威於鉄鉞

假格同

鉄音失

詩商頌烈祖之篇奏進也承上文而遂及其效言進而感格於神明之際極其誠敬無有言說而人自化之也威畏也鉄莖斫刀也鉞斧也

參淺說爲已之學成而其效何如商頌烈祖之誠有曰主祭可見有是德則有是化矣是故君子由存省之功以造于成德之地則敬不操而印存雖不賞以示勤也而民之被其德者自然有所景仰而勤于善雖不怒以示威也而民之被其德者自然威于鉄鉞而不敢爲惡蓋德之及人如此析講奏假二句上指主祭之敬下指助祭之感化言不賞不怒卽無言意民勸民威卽靡爭意章句以極其誠敬釋無言者蓋有言則敬心不翕也○此二十節不重效只重德蓋所以民勸民威天下平者皆此德也言德之所入愈恭愈神總用

巨而入之也○存疑其爲人所不見者敬于動也不動而敬不言而信者敬于靜也不賞民勸不怒民威者敬之深而敬之遠也篤恭而天下平者敬愈深而效愈遠也始終三千敬而已

詩曰不顯惟德百辟其刑之是故君子篤恭而天下平

詩周頌烈文之篇不顯說見一一六章此借引以爲幽深至遠之意承上文言天子有不顯之德而諸侯法之則其德感深而效愈遠矣篤厚也篤恭言不顯其敬也篤恭而天下平矣聖人至德淵微自然之應中庸之極功也

參序不但已也周頌烈文之詩有曰天子有幽遠之德百辟其皆刑而法之此可見德愈盛則化愈廣矣是故君子由存貲而造其極此心渾然大坤念念是恭時時是恭篤厚渾浑不可窺測而天一人自順則而不知翕然平治並勸戒之迹亦俱泯矣此聖神功化之極致也

析講篤恭是不顯惟德意天下平是百辟其刑意篤恭見得至德淵微不但人不知亦君子所不自知也即上文謹獨存養之極致處德至于篤恭則所謂淡簡溫清于此有寔德

功至平天下平則所謂遠風顥者于此有寔功至此地位既
是致中和而天地萬物育興至誠至聖無異矣而原其始
之所自不過爲已之心充之以至此耳○朱子曰此章到篇
恭而天下平是極處結局了所謂不顯其德幽深无遠無
可得而形容雖下而不大聲以色德轉妙皆不足以形容
直至無聲無臭到無迹之可尋然後已○胡堯峰曰不顯之
德卽未發之中戒慎恐懼是于喜怒哀樂未發之時而敬也
此時而敬是不顯其敬所以爲至德淵微而有自然之應也
○此二節亦一節深一節然此二節之效驗又承詩二節之
工夫故章句皆曰承上文○二節亦要通接說去秦儀節言
德深則效遠然猶顯其恭也不顯節則德愈深而效愈遠矣

詩云予懷明德不大聲以色子曰聲色之於以化民末
也詩曰德輶如毛毛猶有倫上天之載無聲無臭至
矣

贛由西

二音

詩大雅皇矣之篇引之以明上文所謂不顯之德者正以其

不大聲與色也又引孔子言以爲聲色序化民之未務今
俱言不大聲而已則猶有聲凹者何足足以形容不顯之
妙不若烝民之詩所言德情妙色則庶乎可以形容矣而又
自以爲謂之毛則猶有可儿者是亦未盡其妙不若文王之
詩所言上夫之事無聲無臭然後乃爲不顯之至耳蓋聲臭
有氣無形在物最爲微妙而猶曰無之故惟此可以形容不
顯篤恭之妙非此德之外又別有是三等然後爲至也
令參君子不顯篤恭而天下自平則其德之微妙爲何如哉
大雅皇矣之詩有云上帝謂文王我懷念爾之明德不張大
其聲音與顏色此言似可形容不顯之德矣然孔子曾謨爲
敏者化民有本若聲色之序以化民特未務也今若但執詩
不不大聲說則猶赤離聲色而泯然無迹也曾是而可以形容
其妙乎烝民之詩有云德之細微如毛以可形容不顯之德
矣然毛雖微也以毛比德則德猶有比類是未超倫類而入
于無象也曾是而可以盡其妙乎惟文王之詩云上天之載
無聲可聽無臭可聞夫聲臭則有氣無形已是微妙而又顯
之無則天下之微妙不見其迹真知其然者無過于此以此
形容之方見君子不顯之德同符于天眞可謂至矣盡矣而

不可以有加矣。平德而至此，則與聖同德。與天同道，而爲中庸之極功矣。非由立心爲已，而進其功焉。亦安能至是哉？
析譏三老引詩一節深于一節總要。形容出不顯，雋泰之妙耳。聲
蕡號令，色指咸樂，韻字詩言輕而易舉。此當細微意看，猶有
偷類。只是借有形象，意益有形，皆有類無形，則無類也。聲色
猶存，未免涉于迹。德有可類，猶未忘乎象。故皆未足盡不顯
之妙。必以無聲無臭之詩擬之，方見不顯之至，不是形容到極
處之謂也。載訓事字，事猶道也。不過言天道之妙，無聲臭
之耳驟聞耳，非有所作爲之謂也。胡氏曰：子思始引天子之言，曰：中庸其至矣乎？衆人之所可至也。此言中庸之極功，故以不顯之德，贊其妙。聖人之所獨至也。然聖德之至，不過極之至而已。敬者聖學所以成始而成終也。故此書以戒懼慎獨，始終焉。○毛猶有倫，言以毛比德，猶有倫類可據。非毛之謂有倫也。○王觀濤曰：至矣是說德至矣。不是形容，不顯之德至矣。至矣當從天說到聖人。上天以是德，命之。人本無聲臭可言，人以是德還之。天亦無聲臭可指。不落聲色，不涉倫類。真德之至，不可以加矣。勿據詩指天說。不顯是至非不顯。又有至不至也。未我云何，斯非闇然之心充之耶。○首章

開端，「天」字原其所自道也。此之在我者無不本諸天也。此意，綱末。「天」字要其所成也。德之成，則能不失其道之在我，而本諸天者也。至此則我本一大天佛。于我又不「過」。卽其初天命之性耳。是無聲無臭之天，卽我不顯之德，而不顯之德，卽吾渾然未發之中者也。

右第二十三章子思因前章極致之言，反求其本復。自下學爲已謹獨之事，推而言之，以馴致乎篤恭，而天下平之盛。又贊其妙，至於無聲無臭，而後已焉。蓋舉一篇之要，而約言之，其反復下寧，示人之意，至深切矣。學者其可不盡心乎？

中庸章句畢

早稻田大学図書館

011888004019